

# Amnistia

Da u paese beatu  
In core di l'estatina  
Quantu quì ci aghju campatu  
Tante stonde di meraviglia  
Per quellu tempu arrubatu  
Vogliu cantà

Da la notte instellata  
Mez'a tanta cumpagnia  
Quand'a fiaccula bramata  
Fù pè Corsica la stima  
Per l'avvene ingannatu  
Vogliu mughjà

## Amnistia

Da sta machja profumata  
Sulitudine è pazzia  
Da sta casetta piattata  
Pè ripusami una cria  
Da a mio casa abbandunata

Da quell'albore pisatu  
Ghjornu di malincunia  
Quand'elli m'anu pigliatu  
Fendu tandu a mo ruvina  
Manittatu è incatenatu  
Vogliu mughjà

## Amnistia

Da sta cellula intannata  
Luntana di a famiglia  
Da sta terra alluntanata  
La mo sorte in pulvina  
E per ogni incarceratu

E per ogni ricercatu

**Amnistia**